

戴仲培先

生詩文

四明張氏約園開雕

蘇州張氏

文

序

先生名埴字仲培

清四庫提要  
鼠璞按語

祖機師事鄉先生高開

爲開兄閔所器重

見鄞志  
戴機傳

鄞縣志有傳機子燧嘗作普

寧院記自稱鄞峯戴燧

見鄞志引咸  
淳臨安志

惟鄞志謂燧進士

徧攷選舉表宋之戴氏第進士者五人梓

乾道五年  
紹定五年

埴

嘉熙二年  
淳祐二年

進之得之寶祐不特燧未第進士卽王伯

厚桃源世譜註以機爲進士亦未見選舉表也燧爲機

之子而埴爲機之孫埴又埴之兄也世譜云埴伯仲接

武儒科先後持節將漕爲衣冠光鄞志採之是埴於宋

戴仲培先生詩文序

一西明館書  
約園刊本

季官將漕矣究心郡國利病如楮券源流如鹽法如義

役詳攷得失筆之於書考證經史疑義及名物典故之

異同持論極爲精審皆見於所撰鼠璞一書其曰鼠璞

者蓋取周人宋人同名異物之義文獻通攷列之小說

家失其倫矣

清四庫提要  
按語

埴生宋之末季愴懷禾黍嘗引

憶君王詩云依依宮柳拂宮牆宮殿無人春晝長燕子

歸來依舊忙憶君王獨立黃昏人斷腸自謂語意悲悽

讀之令人淚墮

見鼠璞

王伯厚戴氏桃源世譜云呂成公

謂素風存則懍懍乎若奉槃水而涉春冰爲先生言且

爲後之人勵也抑攷江湖後集

卷九

先生詩六首賦一

首小傳云里居未詳詩多仿月蝕雪車之作非拘拘四  
靈者和王教暮春出遊詩云振鐸揚儒風函丈紛冠  
服又云顧我闕黨徒無成坐欲速王教不知何人彗星  
一詩作於紹定壬辰閏九月越六年戊戌爲嘉熙二年  
先生始第進士詩中有云洒掃庭內萬化基蕪穢不治  
孰觀法軫驅風車爲宰輔負衡失平在修飾翼鼓羽翮  
主變夷飛翰不勁必振刷然則未第時慨內政之不修  
憂外患之孔亟已情見乎詞矣先生言行所可攷者如

戴仲培先生詩文序

一一四明叢書

約園刊本

此因書於尚時民國二十一年十月後學張壽鏞序

戴仲培先生詩文

朱萼 戴 埴仲培撰

和王教暮春出遊

矯矯雪霜心孤貞受命獨留滯染緇塵垢面不醜沐背  
城借一戰塹聖輸前瀆葵心向朝陽晞光不能煥徒囂  
終無羸驅馳惟僕僕豈無豐水滋禾嗟非佳穀呼爾授  
芻秣羈紲繫駒憤堪羨我良朋林桂賸芳馥博覽繹故  
書胷中三萬軸悠然西湖上日與英俊逐振鐸揚儒風  
函丈紛冠服師友遞響答循誘教匪扑精進日千里目

戴仲培先生詩文

一四明叢書

約園刊本

駭地脈縮顧我闕黨徒無成坐欲速披襟莫奮飛隨羣  
被私淑枵然藜苒腸殊未飽公餽彈鋏何時歸涎沫流  
肌肉遙想烹太牢殷勤羹采菽

詩箋采菽所以芼太牢待君子也

更當

春暮時浴沂衿佩肅心賞弄篇章絕唱清風穆流水諧

朱弦押強破萬竹孝先謾耐嘲橫榻便空腹安識物外  
遊幽賞機緣熟矧復有良儔堅久逾晚菊依然蒼篔簹

瀆樂旁淇澳

補韻澳亦作奧荆公押

一緘荷起予明珠得盈掬大

雅久不作疏越鼓凡目迎風挹回瀾淨洗塵翳翹披閱  
不停手豈復憚諄復自笑詩思慳企山纔抵麓正望使

南印象馬來天竺競病安能廣振紙空瑟歛絕影天邊  
鴻坐困家池驚搜索縱成篇無異蟲蠹木所幸情不違  
合并在此夙願言戒逝糧出畫勿三宿

輦下曲

舊來聞說京師樂香街十里春風箔朝踏金梯入鳳樓  
暮下瓊鉤延翠幄蛾綠梅花裝淑質蘭蕙芳笙歌棗下  
曲琵琶陌上桑宿醒未解鶯催曉玉珂策馬長安道解  
珮遺簪日日歡不覺紅顏醉中老我謂京國皆繁華何  
時飛走登雲車誰知著足緇塵底八年飄泊空谷嗟蕭

蔡仲培先生詩文

二四明叢書

約園刊本

蕭竹窗風暗度耿耿蘭釭鏡自語孤坐逢掖凝清霜獨  
臥重衾踏寒雨雲雨陽臺夢不成況欲綺席羅傾城丈  
人屋上烏啼夜乾鵲巢中鳩喚晴啼夜夜未央娟娟素  
月明喚晴晴未霽寂寂青春深鳩喚烏啼終有侶猶勝  
月兔嬾居千萬春

靈

玄默執徐歲月律終無射京師連雨霽小者如彈大者  
如拳林柯葉亂下烏鳶折飛翮屋瓦砵劃遭擊撲居人  
顛沛行道錯愕初疑巨颶掀捲馮夷宮淵珍散墮光閃

燦復疑清霄萬里驅長蛟泣淚盈盈飄薄稜層水精  
碎噴噴珠非滑有識覩天巧一何景象惡嘗聞聖人在  
上冬夏無愆伏亭毒二氣不相剝破塊封條已無異社  
羽無勞驗風角今天子握極衡運斗樞景化豫順羣愚  
蕭灼精禋胡未孚冰雨墮霄幕其欲需廣澤胡不爲甘  
霖沾勾枯焦重甲圻其欲膏土脈胡不爲晞薤厭涸壤  
灑普漸洽其欲表誅伐胡不爲皚霸駟見而膏草木黃  
落其欲弭蠶蟲滋生植胡不爲嘉平之三白驅蝗入地  
千百尺或云水氣專一不散散胡不爲長河玉岸之寒

歐仲培先生詩本

三四明叢書  
約園刊本

冰可納凌室助頽刷或云陰氣鴉陽不相入胡不爲氤  
氲五色之卿霽叶應豐稷昭帝德此霽舒不如雨露慘  
不如霜雪結不如嘶冰之嚴沍散不如雲霧之蔥鬱天  
非欲示懲詎用作戲劇漢儒說證應紛紛太不一或賢  
邪易位或賦斂苛刻或妻妾失倫或大臣擅法玄道幽  
且渺牽附多穿鑿仲尼百世師麟經戒侵逼此變凡在  
昔公室寢衰削自下凌上曰僭以柔變剛曰剝沸湯湛  
冷泉凝寒勝燠熱溫雨受陰氛凌沍自然結時當秋氣  
杪是理尤彰灼風起庚庚作令日行西西主殺數至九

變金乃從革大則爲兵小刑罰內外靡不以時決天地  
方會臧沴候生京洛得非小暉執矩未潔齊得非尋收  
爲正有顛錯得非箕伯吞聲不掃除青女護姦不除滅  
穹旻赫然奮嚴威重陰膠固紛零落我願聖王觀此攬  
乾綱用夬決登俊良屏邪慝陰塵靜掃單于庭陽和徧  
歛鄒子律大明威威照九州寒燠時序百穀熟天若雨  
珠真可喙請以綴袞冕之十二旒龍旂和鸞之纓絡

### 彗星

紹定壬辰閏九月己酉之夜彗星出清臺奏御正衙避

戴仲培先生詩文

四四明叢書

初刻刊本

席太官減膳釜鼓宗徹首樂雞竿肆管出囚繫龍辰責  
躬求讜直精誠徹九垓德音走重譯圍橋冠帶齏鹽生  
筥窺熿熿對以臆臣聞泰素朕形玄黃辨色左旋右轉  
一闔一闔來伸往屈四時行除舊布新寒暑易恢恢天  
網疏統理廢厥職東方歲星木主仁不掃暴刻尙撻剝  
南方熒惑火主禮不掃驕蹇習凌弱西方太白金主義  
不掃寇盜生亂略北方辰星水主智不掃蒙蔽長譟慝  
中央填星土主信不掃詐欺滋姦猾皇穹遴選網紀星  
出持誓帚掃環域日華機上有九彗乍上乍下空如筆



歸邪向上有兩彗出也不行見則滅天狗短彗在尾傍  
火光炎炎空煊赫天機類彗雲如斗蚩尤類彗箕後曲  
六賊如彗在西方咸漢帶彗居正北驅策舉莫前彗乃  
排軫轉不指房心明堂位不臨箕尾后妃宅不抵參昴  
詠衾禍不向牛女逐淫佚不訪獄廩至婁胃不詢蓋營  
到危室不求社廟上井鬼不好文章遊奎壁不窮天根  
越亢氏不吝弋獵來柳畢不從玄楊問虛耗不由張素  
勾觴客不自鬻鱗訪葆旅不入柳倉覓廚食不呼七星  
問急事不召南斗共斟酌天王帝廷爲大角兩旁三星

戴伸培先生詩文

五四明叢書  
約圖刊本

如鼎足斗柄所指以建時節曰攝提格洒掃庭內萬化  
基蕪穢不治孰觀法軫驅風車爲宰輔負衡失平在修  
飾翼鼓羽翮主變夷飛翰不勁必振刷禿帚一加內清  
外肅四海九州罔不臣妾帝座中居幹樞機萬年千載  
不停息

和陳府教授見贈

遺風沫泗濱汲古酌犧樽魚躍池藻翻鶯呼庭樹喧樂  
山不樂水居城猶居村一朝黃鐘鳴九畹滋蘭根

諭鶴文

鶴陽禽也而遊於陰一墮縮繳入於樊籠飲啄棲遲無  
復介然雅淡之態少焉羈鞴稍縱奮長喙引修吭跳跟  
落落過者驚怒觸罪蹈辱羣鳴如訴予心惻然而諭  
之曰猛獸搏也拘於檻子其猛而搏者邪鷲鳥攫也繫  
於紲子其鷲而攫者耶仙姿浮曠而懷清迥觀子之性  
泊乎淵靜丹眸含精洪髀舒縞觀子之形粲焉月皎逸  
氣出塵幽響警露觀子之心飄飄行路九皋摩空萬里  
倚雲度蓬壺跨崑閩豈不邁往而絕塵哉饑不啄腐鼠  
謂在田也渴不飲盜泉謂在野也翮短尾彫混跡雞羣

歐仲培先生詩文

六四明篋書

約園刊本

鬱鬱象養壯志未伸又非頡頏煙霞軒翥林汀也結而  
脰束而翎羽翼旣成青田赤霄非子之故程也耶言猶  
未畢羣鶴忿悁竦毛勵翼長紆抑之未伸悼哀訴之弗  
直皇皇向我若有歌者曰象子於儲胥之下兮質子於  
勺水之陂褻頓悴之弗察兮仍顛頷之莫知紛外侮之  
多儻兮懼昭質之織夷曠一飽之靡安兮矧上征乎崦  
嵫噉淚四起悲聲徹天修辭慰藉一語莫宣回視周除  
孤雄屹立寂若無聞淡若無識揖而延之化爲羽客翩  
然馭風九垓瞬息

羣仙賦 中伏日壽宣  
參政之作

南端熙穆東閣宴清瓊鑿胤纒華芝紛繽躡蹻風馭來  
自殊庭扣闥請曰鳳鳴朝陽龍翔景雲翼翼國瑞壽矣  
卯君余攬德輝以來御屏其撤扇闔者辭羣仙曰長羸  
阜物朝霽霏霖八荒仁壽六氣平均意有閒矣若爲啓  
明闕者曰今日何日願有謁於大鈞羣仙曰豈曲度房  
中聲揚濮上或彈絲吹竹以奉徽音耶曰有是哉豈柳  
肢低月葉豔凌波有若電羽之翁翁者耶曰有是哉豈  
齊優戲劇謔浪傾河足資笑噓而微聽熒耶曰有是哉

戴伸培先生詩文

七 四明版書

約園刊本

豈池塘綠淨蓮芰香浮有所謂鼓蘭槩而歌采菱者耶  
抑涼臺遠岫竹院棊枰玉壺簷動桃笙波激方羊燕適  
爰滌袪暑之襟耶寧風生塵尾扇隔庑塵飄飄羲皇上  
人耶闔者不答徐而歌曰九垓吳吳兮無聲八柱騰騰  
兮上騰陽道柔兮陰彙征孰綱轄是兮伏藏不升羣仙  
輟然而笑曰橐籥機緘固運轉不停也耶乃廢而和曰  
鉉必玉兮柅必金鼎中寶兮魚弗賓幹造化兮揭乾坤  
黃中正位兮玉立千春少焉霞袂軒舉環珮錫鳴仰而  
視之惟見卿雲綺錯泰階衡平寶癸未中伏槐府稱壽

之辰也

壽鏞案江湖後集錄先生詩文七首小傳云里居未  
詳詩多仿月蝕雪車之作非拘拘四靈者也壽鏞既  
惜鄭志於先生著述略而不載因更刊其詩文列鼠  
璞之次儻更有廣之者尤所望也時民國二十一年  
九月廿六日

戴仲培先生詩文

四明叢書  
約園刊本

戴仲培先生詩文

四明叢書

四明叢書  
約園刊本

四明叢書

四明叢書  
約園刊本